

河間府新志卷之五

官政志

城池

郡之城築其初莫能詳然觀隋魏之間王琮杜落之所攻守則由來久矣舊志載始宋李肅之然肅之當神宗世而方慶歷中張亢知瀛州拓廣郡郭又在肅之之先也曾鞏興造記云熙寧元年七月河北地震是日大雨公私暴露自通使北朝城壁樓櫓禦守之具寢弛不治肅之因災變之後乃築新城廣平堅壯率加於舊則今城是卽以爲肅之宜也夫河北列城

數十池隍所設河間爲大河間當金元時並爲重鎮
置萬戶元帥府總管治其間明時則畿郡如古三輔
轉漕之所經南北之所會明永樂中置河間大同藩
陽三衛於郡中軍部喧填百賈走集故常號饒樂而
負戶城郭中皆蓋彷彿高帝之嘆曲逆矣今郡中空
虛居人寡少幾不足當萬家之縣陴堞所環地多曠
棄被砦礫而含沮洳顧望左右象等朔野寇盜兵燹
重被破陷死亡摧毀之餘雖以國家太平休息百
年旣久而猶未之復又自順治康熙之初所爲三衛
者並皆汰罷武官軍卒世籍此者各盡徙去加之河

間無材木之資陶瓦之利民以治宮室爲艱故地任
於荒而州稀萃處予聞明中世時郡城四周皆涖水
流抱故常昌阜殷鬱自川流旣徙絕不復至而遷貿
從之雖然古之善爲吏者所至不過期月戶版繁增
人物加庶其必有道以徠之則崇墉重關廬旅駢集
烟火至盛相與和樂以成都會而追曩集庶幾良二
千石之待於後來曾鞏記肅之所築新城方寸五
舊志云城十六里揆諸度數鞏言爲準云今所修城
凡周十三里九十三步

河間府城

河間縣
附郭

河間府城宋熙寧元年安撫使知府李壽之築
金元之際屢被攻圍肅之舊築頗多殘缺元河間
總管董博霄繕治之而復完然舊臺之遺址尚
之工也

舊志無此採元人
集中碑補記之

明萬歷六年知府朱裳

知縣褚鈇始磚其敵臺十年知府蔣憲修其臺徐
待復加裹砌凡二載方竣共長二千三百六十二

丈高三丈二尺門四樓四臺鋪各四十一濠寬五

丈深二丈至國朝乾隆九年睥睨多圯垣亦將

頽知府徐景曾知縣王屋翦領庀金重修十二年

竣役訖然復增壯觀矣城之舊蹟雖存而城之

馬道四出復於城上東南隅建文昌閣城濠之廣
深同舊制焉其東門樓曰阜春南門樓曰登瀛西
門樓曰瀛西北門樓曰拱極

獻縣城

獻縣土城金知獻州高揆築城凡四門明成化二
年知縣盧淵重築之周六里高二丈五尺厚一丈
五尺四門四隅皆有樓鋪濠寬三丈深一丈宏治
十八年重濬正德六年值劉六之亂知縣張大威
縣丞史華加修嘉靖十三年知縣汪鑾濬濠始深
二十八年知縣都文奎增置弔橋及敵臺萬歷十

六年知縣趙完璧三十一年知縣石維屏皆加修葺其東門曰迎曙西曰對山南門曰廣濟北門曰日拱極三十九年知縣劉重慶修崇禎六年知縣王調鼎修磚梁一千有餘十四年知縣王奇才建砲臺 國朝康熙七年城北門圯知縣王展出俸金修繕乾隆三年知縣楊文彩領庫金興修城之規制一如舊式明年工訖

阜城縣城

阜城縣土城周五里門四築不詳所始明成化己丑歲知縣林恭廣其址增築之加穿二門於是共

爲六門正德六年陷於流寇知縣梁愷重修樓櫓
增設戍備高逾於舊嘉靖庚戌知縣姜密修隆慶
元年知縣王臣修六年知縣鞏邦固易以磚陴崇
禎乙亥知縣姚鳳修自崇禎壬午城破後垣墉圯
敗國朝順治元年知縣蕭應聘至稍葺治之戊
子知縣張昌祚重葺建東門曰瞻聖西曰守義南
曰長仁北曰中藏康熙庚戌知縣曹邦重修乾隆
十年知縣許端領庫金重修

阜城志云姜密之父山東孝廉也精於地理來
阜城視密謂城形雙環無衝主邑當有父子兄

弟蟬聯科甲者未幾邑中張陸周祁袁高倪蔣家皆登第相繼人以姜言爲驗其後張昌祚修城時割去林恭所拓東城新垣而闕其門自是科第仕宦者稀邑中街市亦荒寂無復昔之殷繁矣及曹邦後錢式莊來知縣事以割城肩爲青龍失纏乃修學宮建文昌閣於其東南爲補救之法至康熙丁卯而邑生多時珍復發解

肅寧縣城

肅寧縣城本宋平虜砦金時升爲縣其初壘土爲城歷元中統至元大德時知縣李義李稷焦德用

相繼修築明天順庚辰知縣劉伯川重修周六里
東西二門高二丈八尺池廣四丈深一丈正德丙
子知縣黃霆增加修濬 國朝康熙五十六年知
縣黃世發修乾隆十六年知縣何培領庫金重修
任邱縣城

舊城傳爲漢平帝時任邱所築元至正二十二年
沒於水其規制失考今之縣城明洪武七年知縣
雲霄所建者也永樂元年知縣謝魯修宏治庚申
知縣畢璽隨民居曲折更爲改築以城形如幞頭
因名之曰幞頭城正德間知縣李獻重築拓而方

之周五里九十九步高三丈啟爲四門上有角樓
四十四年給事倪璣貶秩爲任邱令復修角樓而
名其東南樓曰登瀛西南望瀛西北來山東北徵
海隆慶間知縣胡竣德萬歷間知縣顧問俱重修
萬歷三十九年知縣侯提封修西北二門垣牆四
十餘丈城加磚砌工未畢而去知縣賈繼春繼成
之城有濠卽玉帶河也 國朝乾隆十六年知縣
陳文合重修

任邱自崇禎戊寅城破至今乾隆十六年已百
餘歲中間縣令相繼於城郭豈無修葺者乃舊

志終康熙戊午通志終雍正癸丑自賈繼春後
絕無所載何也考之 國家初元卽以徐淳知
任邱縣其時寇盜未靖扞圉方急而明末知縣
白慧元城破殉難後繼來爲令者石可章周命
世當郭夷堞毀之餘宜有從而繕治者然諸志
皆闕如豈果佚而莫徵抑亦無事討訪而惟慢
書故牘耶

交河縣城

金始以石家圈地置交河縣世宗大定七年也雖
爲縣治尙無城郭明宏治十五年知縣周以仁始

翔土城周六里正德丙子知縣李天敘增修嘉靖
二十九年知縣崔雲鶴增修置四城門門有樓隆
慶三年知縣龐沱重修梁口易土以磚萬歷三年
知縣張文顯重修東南角樓移縣門外定夜鐘於
其上 國朝康熙辛亥北門大圯知縣牆鼎重修
並濬城濠建橋南門外乾隆十六年知縣尹侃領
庫金重修

寧津縣城

城建於金時明洪武初知縣朱逢吉修景泰三年
知縣謝聰宏治十五年知縣孔公華正德五年知

縣劉秉鑑嘉靖二年十六年知縣熊爵葉紹先相
繼增修秉鑑濬濠紹先添設敵屋至隆慶二年知
縣寇靖復修之始甃以磚乾隆十七年城垣漸圯
知縣郝璉方奉文修整

寧津舊志謂土城景泰三年謝聰始築府志明
言朱逢吉於洪武中修通志云金始建則明之
前固已有城矣元初李邁有過寧津郭外詩云
斜照連滄海孤陴入暮烟是建於金代明矣

景州城

州城卽元修縣城天歷間修尹呂思誠相地修築

舊城形如卧牛思誠截使方正其周四里明天順
七年知州楊瓊加廓焉宏治十一年知州馬馭增
修城舊惟南北門馭初設四門正德九年知州徐
政建四隅角樓窩舖十六嘉靖二十一年二十九
年隆慶三年崇禎八年知州李廷寶胡擇白元蘇
瓊皆累修擇築護城河堤增置敵樓箭樓各八其
以磚者則元與瓊也崇禎十年知州董碩儒復加
修 國朝順治十年河決西堤口潰壞垣梁存者
十二康熙壬子知州張一魁修葺乾隆九年知州
屈成霖領庫銀三萬兩撤舊增築之今城高二丈

四尺周八百六十一丈五尺基寬二丈五尺面一丈三尺加高女牆五尺門上四樓樓高二丈有五尺而署其南門曰景運北門曰景星東門曰景陽西門曰景福舊係土城乾隆二十二年河決山東第三屯被水衝毀二十三年二月知州修禮領帑金改建磚陴二十四年七月工竣

吳橋縣城

吳橋舊本土城歲久盡圯明成化二年知縣張鐸興建宏治十三年正德元年知縣李欽劉鉞相繼修葺加繕築增其高築裏四門以鐵萬歷二年四

十一年四十五年崇禎八年知縣龔勉憚茲毛焯
陳燦俱修其磚城者崇禎十一年知縣余尚春所
葺治也磚城高三丈六尺周四里一百二十步

通志云正統二年因舊土城增築而不載張鐸
吳橋舊志則首紀張鐸與府志同亦無正統增
築也觀東光廣文魯載爲張鐸碑稱吳橋舊城
壞塌幾盡張侯天順八年來宰邑率在官之人
於城之塌者築之又勸邑之能事者義官郜恒
等鼎建四門興役於丙戌之秋冬至而工畢
在張時所紀宜實魯碑又言張功垂成遷秩以

去郡守太原賈公至邑併工竭力助成其事所
爲賈公者崞縣賈光也吳橋志又云張以城南
甯湫隘逼近學宮乃拓五十餘步以廣之

東光縣城

東光縣土城前代建築之始莫可得詳惟舊城四
面各一百六十丈高二丈五尺其厚半之凡一千
二百有六十堞明崇禎十三年始修築爲磚城周
六里高三丈六尺城凡四門門各二重上建樓八
座城四面皆有樓四隅腰鋪八座明末兵革之後
惟四門重樓如故四隅樓鋪多毀 國朝康熙十